



Republika e Kosovës  
Republika Kosova  
Republic of Kosovo



Kuvendi i Komunës Kaçanik  
Skupština Opština  
Municipal Assambly  
- Komiteti për Politikë dhe Financa-

01Nr. 60/0436189/2021  
Kaçanik, 23.11.2021

**RAPORT PUNE  
I KOMITETIT PËR POLITIKË DHE FINANCA,  
PËR VITIN 2021**

Kaçanik, 2021

## PËRMBAJTJA

LISTA E SHKURTESAVE.....	2
1. HYRJE.....	3
2. QËLLIMI.....	3
3. PËRGJEGJËSITË E KOMITETIT PËR POLITIKË DHE FINANCA.....	3
4. AKTIVITETI I KPF.....	3-4
5. ÇËSHTJET E SHQYRTUARA.....	4-5
5. PROPOZIM RREGULLORET.....	5
7. KORNIZA AFATMESME BUXHETORE (KAB) 2020-2022.....	5
8. PROJEKTBUXHETI I KOMUNËS PËR VITIN FISKAL 2020 DHE KËRKESAT E PROJEKTUARA PËR VITETI 2021-2022.....	5-6
9. RAPORTET FINANCIARE .....	6-7
10. PROPOZIM VENDIMET PËR ÇËSHTJE FINANCIARE.....	7
11. PROPOZIM VENDIMET TJERA MË RËNDËSI PËR KOMUNËN.....	8
12. VENDIMET .....	8-9
13. PLANET E PUNËS DHE RAPORTET E PUNËS.....	9
14. ÇËSHTJET TJERA MË RËNDËSI PËR KOMUNËN.....	9-10
15. SHËRBIMI I KUVENDIT.....	10
16. PËRFUNDIM.....	10

## **Lista e Shkurtesave**

KPF- Komiteti për Politikë dhe Financa

KK- Kuvendi i Komunës

LVL- Ligji për Vetëqeverisjes Lokale

OSBE- Organizata për Siguri dhe Bashkëpunim Evropian

OJQ- Organizata Joqeveritare

IT-Teknologji Informative

KAB- Korniza Afatmesme Buxhetore

QB- Qarkore Buxhetore

DBZHRP -Drejtoria e Bujqësisë, Zhvillimit Rural dhe Pylltarisë

SHIL-Shoqata e Invalidëve të Luftës

DAK-Drejtoria e Arsimit dhe Kulturës

DEFZH- Drejtoria e Ekonomisë, Financave dhe Zhvillimit

PFV- Përfundimin e Vitit Fiskal



## Hyrje

Komiteti për Politikë dhe Financa (KPF) si trup i përhershëm punues i Kuvendit të Komunës, është formuar me Vendim të Kuvendit të Komunës 01Nr.60/01-1946/18 më datë: 24.01.2018, në përbërje prej 7 anëtarëve.

Në vitin 2021 KPF ka funksionuar me këtë përbërje:

- 1.Kemal Mërseli nga PDK, Kryesues sipas funksionit,
- 2.Nexhat Loku, nga PDK, anëtar,
- 3.Pranvera Loku nga PDK, anëtare,
- 4.Ekrem Kyçyku nga LVV anëtar,
- 5.Selim Reka nga LDK anëtar,
- 6.Albana Troni nga AAK anëtare, dhe
- 7.Hafize Sallahi nga NISMA anëtare.

Përbërja e Komitetit për Politikë dhe Financa, reflekton përfaqësimin e etniteteve politike në Kuvendin e Komunës. Me Komitetin për Politikë dhe Financa, udhëheq Kryesuesi i Kuvendit të Komunës, Kemal Mërseli, sipas funksionit që ka. Mandati i KPF-së është i lidhur me mandatin e Kuvendit të Komunës. Anëtarja e KPF nga NISMA, Hafize Sallahi në vitin 2021 ka kaluar në subjekt tjetër politik AAK dhe është zëvendësuar me anëtarin nga NISMA, Bekim Koxha, për faktin së ky subjekt politik nuk ka pasur ndonjë anëtare femër për me zëvendësuar. Vendimi është kthyer nga autoriteti mbikëqyrës -MAPL për shkak të mos respektimit të Ligjit për Barazi Gjinore, dhe mbi bazën e kësaj vendimi i KK është anuluar, ndërkaq ka mbetur në fuqi vendimi për formimin e KPF më përbërje të sipërshënuar. Deri me konfirmimin e ligjshmërisë nga MAPL, KPF një mbledhje e ka mbajtur me 6 anëtarët të listat nga 1-6.

## Qëllimi

Pasqyrimi i të gjitha aktiviteteve të Komitetit për Politikë dhe Financa (KPF) për gjatë vitit 2019, në suaza të përgjegjësisive të përcaktuara në Ligjin e Vetëqeverisjes Lokale dhe akteve nënligjore dhe raportimi i këtyre aktiviteteve tek organi themelues, Kuvendi i Komunës.

## Përgjegjësitë e Komitetit për Politikë dhe Financa

Sipas nenit 52.2 të Ligjit Nr.03/L-040 - Për Vetëqeverisje Lokale, KPF-a është përgjegjës për shqyrtimin e të gjitha politikave, dokumenteve fiskale dhe financiare, planeve dhe iniciativave, duke përfshirë edhe dokumentet e planifikimit strategjik, kornizën vjetore buxhetore afatmesëm, planin vjetor të prokurimit, rregulloren vjetore të tarifave dhe ngarkesave, planin vjetor të punës së auditimit të brendshëm, buxhetin vjetor afatmesëm dhe çdo ndryshim të buxhetit të komunës gjatë vitit fiskal si dhe marrjen e raporteve nga kryetari i komunës dhe dorëzimin e rekomandimeve në kuvendin e komunës.

### Aktiviteti i KPF-së

Sipas Ligjit Për Vetëqeverisjen Lokale dhe Statutit të Komunës, si dhe kompetencave të bartura nga Kuvendi i Komunës (kompetencës për ndërrimin e destinimit të tokës bujqësore në tokë ndërtimore) KPF-a për gjatë periudhës raportuese është munduar që në suaza të kompetencave të veta t'i realizoj detyrat të cilat janë parashtruar.

Veprimtarinë e vet e ka orientuar në fusha të ndryshme të cilat me legjislacionin në fuqi i janë lënë në kompetencë. Aktiviteti i Komitetit për Politikë dhe Financa është zhvilluar në takime të rregullta mujore. Gjatë periudhës raportuese ky komitet ka mbajtur gjithsej 10 mbledhje të rregullta. Mbledhjet e Komitetit për Politikë dhe Financa kanë qenë të suksesshme dhe



konstruktive. Angazhimi i anëtarëve të KPF-a ka qenë në nivel të duhur. Prezenca e anëtarëve të këtij komiteti ka qenë e rregullt. Në mbledhjet e KPF-së ka mbretëruar një frymë e punës dhe e bashkëpunimit në mes të subjekteve politike të përfaqësuar në këtë komitet. Çështjet që kanë qenë në interes të përgjithshëm të komunës, kryesisht janë aprovuar njëzëri. Për të gjitha mbledhjet e KPF-a është mbajtur Procesverbal i cili ruhet me pedanteri dhe është transparent në çdo kohë. Në takimet e KPF-së janë shqyrtuar çështje të ndryshme në interes të komunës. Për disa çështje të caktuara në këtë komitet janë marrë edhe vendime adekuate apo iu kanë rekomanduar organit vendimmarrës- Kuvendit të Komunës për shqyrtim dhe vendosje apo sa për njoftim. Për të gjitha çështjet të cilat është dashur të debatohet Kuvendi i Komunës në seancën e vet, kjo trupë punuese paraprakisht i ka shqyrtuar dhe e ka dhënë mendimin e vet. Në këtë drejtim ka vënë në shqyrtim 49 pikë, dy pikë janë vënë në shqyrtim në dy mbledhje, ndërkaq një pjesë të vogël të tyre (3) i ka vendosur sipas kompetencave të bartura të KK. Çështje që janë në kompetencë të KK, e ka dhënë mendimin e vet dhe të njëjtat ia ka Rekomanduar Kuvendit të Komunës për shqyrtim apo marrjen e vendimit adekuat.

Duke marrë parasysh natyrën e çështjeve, ka marrë Vendime për ndërrimin e tokës bujqësore në tokë ndërtimore, për të cilat paraprakisht ka kërkuar mendimin profesional të drejtorisë përkatëse. Po ashtu në çdo mbledhje të KPF-së është aprovuar Procesverbali i mbledhjes së kaluar të KPF-së. Vlen për t'u theksuar se për çdo çështje që ka aprovuar ky komitet, është hartuar akti konform Vendimit të KPF-së.

Në takimet e kësaj trupe punuese kanë marrë pjesë, Kryetari i Komunës apo Nënkryetari i Komunës dhe drejtorët e Drejtorive Komunale, të cilët i kanë arsyetuar çështjet e propozuara sipas fushë veprimtarisë së tyre. Ekzekutivi i komunës në mbledhjet e KPF-a ka dhënë edhe informacione tjera të nevojshme shpesh aty për aty, apo në mbledhjen vijuese në formë të shkruar për çështje të ndryshme dhe sipas kërkesave të KPF-a.

Bashkëpunimi i KPF-a me stafin ndërkombëtarë gjatë periudhës raportuese ka qenë në nivelin e duhur. Materiali i mbledhjes përpos anëtarëve të KPF dhe Ekzekutivit të Komunës dhe OJQ-vë lokale, i është dërguar OSBE. Mbledhjet e KPF-së janë mbajtur me dyer të hapura për çdo të interesuar për me i përcjellë mbledhjet. Të gjitha procesverbalet e mbledhjedve të KPF të vitit 2021, vendimet dhe të aktivitetit të kësaj trupe punuese, janë publikuar në faqen zyrtare të komunës. Kjo tregon sesa ka qenë transparente kjo trupë punuese ndaj qytetarëve të komunës, mediave, OJQ, etj. për aktivitetin e saj të zhvilluar përgjatë periudhës raportuese.

### **Çështjet e shqyrtuara**

Komiteti për Politikë dhe Financa gjatë periudhës raportuese i ka shqyrtuar gjithsej, 49 pikë përfshirë Procesverbalin e mbledhjes së KPF, i cili ka qenë pikë e parë e rendit të punës në çdo mbledhje. Çështjet e shqyrtuara janë materiale të përgatitura nga shërbimet përkatëse profesionale të komunës. Propozim Vendimet kanë qenë të natyrave të ndryshme. Në kuadër të propozim Vendimeve janë shqyrtuar çështje të cilat kanë të bëjnë me rregullativen normative, çështje buxhetore, raporte dhe programe të punës së ekzekutivit të komunës, propozim vendime të ndryshme të shërbimeve përkatëse profesionale, dhe çështje tjera më rëndësi për komunën. Në vazhdim do t'i potencojmë çështjet të cilat kanë qenë në shqyrtim të Komitetit për Politikë dhe Financa:

#### **Aktet normative**

Në kuadër të kësaj sfere bëjnë pjesë aktet normative të cilat kanë qenë në shqyrtim të kësaj trupe punuese. Në këtë drejtim ky Komitet ka shqyrtuar akte normative të propozuara nga shërbimet përkatëse profesionale, dhe atë: Propozim Rregullorja për organizimi, kompetencat dhe



përgjegjësitë e organeve të administratës komunale; Propozim Rregullorë e brendshme për përdorimin e automjeteve zyrtare; Draft Kodi i Etikës së zyrtarëve publik të komunës.

KPF i ka shqyrtuar në detaje të gjitha këto propozim aktet normative të sipërshënuara, ka dhënë vërejtjet e saja dhe të njëjtat me Rekomandime të këtij komiteti i janë përcjellë Kuvendit të Komunës për shqyrtim dhe miratim apo në procedurë të mëtutjeshme-debatit publik me qytetarë të komunës. Kontribut të veçantë në çështjen e rregullativës normative, KPF-a ka dhënë edhe në debate publike të organizuara më qytetarë.

### **Korniza Afatmesme Buxhetore(KAB) 2022-2024**

Si çdo herë kur janë shqyrtuar çështjet buxhetore edhe në vitin 2021 KPF-a i ka kushtuar rëndësi të veçantë; Kornizën afatmesme të shpenzimeve të Komunës së Kaçanikut për vitet: 2022-2024 dhe Buxhetit të Komunës së Kaçanikut, për vitin fiskal 2022 dhe vlerësimet për vitet 2022-2024. Korniza afatmesme e shpenzimeve është dokument fillestar për hartimin e buxhetit të komunës. Dokumente përcjellëse që i kanë paraprirë hartimit të buxhetit për vitin 2022 janë: Qarkoret e brendshme buxhetore. Vetëm për Draftin kornizë dhe dokumentet tjera përcjellëse KPF-a ka debatuar gjerë e gjatë, e ka dhënë mendimin e vet, ndërkaq Draftin Kornizë ia ka Rekomanduar Kuvendit të Komunës për shqyrtim dhe miratim. Vlen të përmendet së për Qarkoret buxhetore dhe për Draftin kornizë janë mbajtur edhe dëgjime publike me qytetarë, ku pos zyrtarëve të komunës kanë qenë të obliguar të marrin pjesë anëtarët e KPF, të cilët në këtë drejtim e kanë dhënë kontributin e tyre.

### **Projekt Buxheti i Komunës për vitin fiskal 2022 dhe kërkesat e projektuara për vitet, 2023 dhe 2024**

Në këtë dokument, KPF-a i ka dhënë propozimet e veta për projektet që duhet të hyjnë në realizim më buxhetin afatmesëm të komunës për vitet: 2022-2024. Në këtë drejtim, KPF e ka aprovuar Buxhetin e Komunës për vitin 2022 në shumë: 9,193,167.00 €, € dhe Projektionet për vitet 2023-2024, në shumat buxhetore: 9,652,134.00 € për vitin 2023 dhe: 10,122,480.00 € për vitin 2024. Edhe në këtë plan afatmesëm buxhetor, KPF-a i ka futur synimet e veta për secilën veprimtari në pajtim me Statutin të Komunës, dhe çdo herë duke iu dhënë prioritet Listës së Projekteve Kapitale. Në këtë drejtim ka aprovuar një Listë me 57 Projekte Kapitale, duke iu dhënë prioritet atyre projekteve që janë me të nevojshme dhe emergjente për komunitetet në shumën e përgjithshme të realizimit për 3 vjet 8,562,613 €. Duke marrë për bazë faktin se më buxhetin e ndarë për projekte kapitale, nuk mund të realizohen të gjitha projektet e aprovuara, sepse disa nga projektet kanë hyrë në listë vetëm sa për t'u koduar, mirëpo gjithherë është menduar në angazhimin e organeve të komunës, në nivelin qendror dhe më gjerë për gjetjen e donacioneve më qëllim që projektet e aprovuara të realizohen. Kontributin e vet për çështjen e buxhetit të komunës, KPF-a e ka dhënë në debatin publik më qytetarë, të organizuar nga Ekzekutivi i Komunës, ndërkaq për shkak të zgjedhjeve lokale, koha nuk ka qenë e mjaftueshme për organizimin e debateve publike nga kjo trupë punuese. Pas vlerësimit të thukët nga KPF-a, Projektbuxheti i Komunës për vitin fiskal 2022 dhe Kërkesat e projektuara për vitin 2023-2024, i është përcjellë Kuvendit të Komunës për shqyrtim dhe miratim.

### **Raportet Financiare**

Nga Raportet financiare KPF ka shqyrtuar:

- Raportin Vjetor Financiar për vitin e përfunduar më 31 dhjetor 2020;
- Raportin Financiar të Komunës së Kaçanikut, për periudhën: janar-mars, 2021;



- Raportin e realizimit të mjeteve buxhetore për periudhën: janar-qershor,2021;
- Raporti i Auditimit për Pasqyrat financiare vjetore të Komunës së Kaçanikut, për vitin 2020;
- Raporti periodik për zbatimin e rekomandimeve të dhëna në Raportin e Zyrës Kombëtare të Auditimit për PFV 2020.

Të çështja e raporteve financiare, vlen të përmendet se, KPF-a, në disa sektorë vlerëson se janë përmbushur objektivat në pajtim me planifikimin e të hyrave vetjake komunale, ndërsa në disa sektorë në raport më planifikimin ka qenë më pak i kënaqur dhe këto pakënaqësi kjo trupë punuese i ka shprehur sa herë të ekzekutivi i komunës dhe sugjerimet e KPF-a kanë ndikuar në një angazhim pak më të madh të sektorëve të caktuar që inkasimi i të hyrave vetjake komunale në sektorë të caktuar të shënonëj ngritje. Komiteti për Politikë dhe Financa e vlerëson pozitivisht realizimin e të hyrave vetjake nga Tatimi në Pronë, duke shpresuar që ky aktivitet të vazhdoj edhe tutje.

Në Raportet financiare, vlen të cekët se KPF-a ka kërkuar sqarime shtesë të shpenzimeve buxhetore në programe të caktuara buxhetore sa herë që janë shqyrtuar raportet financiare aty ku ka pasur paqartësi, ndërsa për çdo shpenzim që ka menduar se është i madh apo më pak i arsyeshëm në raport më nevojat të tjera, ka dhënë vërejtjet e tija, ndërkaq i ka mbështetur rekomandimet e Zyrës Kombëtare të Auditorit për zbatimin e rekomandimeve të paraqitura si në raportin e vitit 2020, duke shpresuar në zbatimin e tyre deri në fund të vitit 2021.

Vlen të përmendet se KPF-a ka kërkuar informacion për procedurat e udhëhequra të tenderimit, ndërkaq kanë sugjeruar Kryetarit të Komunës që Zyra e Prokurimit në bashkëpunim me drejtoritë përkatëse komunale të angazhohen lidhur me projektet për të cilat janë zhvilluar procedurat tenderuese, të realizohen në afatet e përcaktuara kohore, ashtu siç e parasheh Ligji i Prokurimit Publik, në mënyrë që mos të ngelin mjete në suficit buxhetore në suficit.

### **Propozim Vendimet për çështje financiare**

Propozim Vendimeve për çështje financiare, KPF-a iu ka kushtuar një rëndësi e veçantë. Në këtë drejtim në pamundësi të realizimit të disa projekteve kapitale apo çështje të tjera, është intervenuar në mjetet që nuk kanë arritur të realizohet sipas Listës së projekteve kapitale nga vitet paraprake, për t'i bartur në ndonjë projekt tjetër kapital. Ndërkaq me qëllim që mos të ngelin mjete buxhetore në suficit, KPF ka aprovuar:

Propozim Vendimi për bartjen e mjeteve vetanake të pashpenzuara nga vitet paraprake, në buxhetin e komunës së vitit 2021; Ka aprovuar 2 Propozim Vendime për rialokim të mjeteve, sipas buxhetit të vitit 2021; Propozim Vendim për transfer të mjeteve sipas buxhetit të vitit 2021; Propozim Vendim për caktimin e normave tatimore për tatimin në pronën e paluajtshme për vitin 2022; Propozim Vendimin për ndarjen e masën drusore të konfiskuar shkollave të komunës. Kur jemi të konfiskimi i masës drusore, KPF ka shprehur shqetësim për dëmtimin dhe shkatërrimin e pyjeve në masë të madhe, ndërkaq në anën tjetër, masa drusore e konfiskuar është vlerësuar së është shumë e vogël në raport me shkatërrimin e pyjeve.

Duke u nisur nga fakti së viti 2021 ishte vit pandemik, KPF e ka mbështetur; Propozim Vendimi për lirim nga qiraja komunale, për shfrytëzuesit e pronës komunale për vitin 2021; Propozim Vendimi për transfer të mjeteve sipas buxhetit të vitit 2021; Propozim Vendimi për subvencionimin e operatorëve të transportit publik të udhëtarëve të Komunës së Kaçanikut dhe NPK "Stacioni i Autobusëve" Kaçanik, ndërkaq ka kërkuar të lirohen nga qiraja edhe sallat e dasmave dhe disa veprimtari tjera të cilat janë dëmtuar si rezultat i pandemisë Covid-19.

Për çdo ndryshim buxhetor të propozuar, KPF-a ka kërkuar sqarime të nevojshme nga propozuesi pse ka ardhur deri të ndryshimet buxhetore, e në veçanti ka kërkuar arsye të projektet kapitale që kanë qenë në listë për realizim e nuk janë realizuar në kohën e përcaktuar. Arsyetimet e nevojshme janë dhënë në çdo kohë nga Kryetari i Komunës dhe drejtori i DEFZH



për çështjet financiare. KPF, pos tjerash ka kërkuar në vazhdimësi sqarime të nevojshme nga ekzekutivi i komunës se deri ku kanë arritur realizimi i projekteve që janë në listë për realizim në vitin 2021. Për të gjitha këto çështje të adresuara, KPF-a ka dhënë vërejtjet dhe sugjerimet e veta dhe të njëjtat i janë Rekomanduar, Kuvendit të Komunës për shqyrtim dhe miratimin e tyre.

### **Propozim Vendimet tjera më rëndësi për komunën**

Propozim vendimet e propozuara kryesisht janë të natyrave të ndryshme me rëndësi për komunën. Në këtë drejtim, KPF ka shqyrtuar:

Propozim Vendim për emërimin e Komisionit Përzgjedhës për Drejtor të Institucioneve Arsimore; Propozim Vendim për shpalljen me interes të përgjithshëm publik patundshmëria në parcelat kadastrale (listuar si në tabelë) në ZK Kaçanik, për projektin: Vazhdimi i rrugës "Ismail Raka" – segmenti nga shtëpia e kulturës "Xheladin Kurtaj" deri të "Xhamia e Dëshmorëve" në Kaçanik; Propozim Vendimi për dhënien në shfrytëzim afatgjatë për katërdhjetë (40) vite, PK Nr. 70917003-01580-0 në sipërfaqe 23.379m<sup>2</sup> ZK Begracë, PSH – Kullosë e klasës së 3, personit juridik, JLG Constructions SH.P.K NUI; 811498642 me pronar Agron Zeneli, me procedurë të negociimit të ofertës; Propozim Vendimi për ndarjen e parcelës kadastrale Nr. 649-0, ZK Kaçanik, P. SH Shtëpia e Shëndetit, për ndërtimin e Shtëpisë Integruese.

Propozim Vendimi për shpallje me interes të përgjithshëm publik, për këmbimin e pronës komunale me atë private në Zonën Kadastrale në Ivajë; Propozim Vendimi për Shpallje me interes të përgjithshëm publik, pjesën e parcelës kadastrale 01003-0, me kulturë Oborr ZK Kaçanik, në emër të Misim Sopa, për Këmbim me pronën komunale me pjesën e parcelës kadastrale 01030-0, me kulturë P.SH. Rrugët publike dhe të pa kategorizuara, ZK Kaçanik; Propozim Vendimi për formimin e komisionit për ndarjen e banesave në banimin social në fshatin Kaçanik i Vjetër; Kërkesa e Kryetarit të Këshillit të Komunës së Strugës, për një vizitë zyrtare të Këshilltarëve të KK Kaçanik, në Komunën e Strugës; Zëvendësimi i anëtares së KPF nga NISMA, Hafize Sallahi pas kalimit të saj në subjekt tjetër politik- AAK; Propozim Vendim për aprovimin e listës së veçantë të pronave komunale të cilat do të jepen në shfrytëzim në vitin 2022. Çështja e dhënies së provane komunale në shfrytëzim ka qenë e proceduar në dy mbledhje të KPF dhe në të dy mbledhjet e ka marrë miratimin nga kjo trupë punuese.

Për të gjitha Propozim Vendimet –rekomandimet e lartcekura, KPF ka debatuar gjerë e gjatë, ka kërkuar mendimin profesional nga shërbimet përkatëse profesionale, dhe të njëjtat me ia ka rekomanduar Kuvendit të Komunës për shqyrtim dhe aprovim.

### **Vendimet**

Komiteti për Politikë dhe Financa, në kuadër të fushë veprimtarisë së vet- kompetencës së bartur nga KK për ndërrimin e destinimit të tokës bujqësore në tokë ndërtimore të parcelave kadastrale të klasës së 5 dhe të klasës së 6, ka marrë gjithsej 3 vendime. Vendimet të cilat i ka aprovuar ky komitet janë: Vendimi për miratimin e Propozim Vendimi për lejimin e ndërrimit të destinimit të tokës bujqësore në tokë ndërtimore të Parcelës Kadastrale Nr. 02167-3, Zona Kadastrale Kaçanik i Vjetër, me kulturë, Arë e klasës së 5, në emër të Faik Gjini; Vendimi për Miratimin e Propozim Vendimi i Drejtorisë për Urbanizëm, Kadastër dhe Mbrojtje të Mjedisit 06-350/02-22031/21-Për Lejimin e ndërrimit të destinimit të tokës bujqësore në tokë ndërtimore, për sipërfaqen, 3591m<sup>2</sup>, në parcelën kadastrale P-70917083-00183-3, Zona Kadastrale Soponicë, me kulturë bujqësore Livadh i klasës 5(pestë) me sipërfaqe S=3591 m<sup>2</sup>, pronë private në emër të Muhamet (Haki) Malsiu, sipas Certifikatës Nr.86/2020 të lëshuar me datë 24.03.2020; Vendimi për miratimin e Propozim Vendimit të Drejtorisë për Urbanizëm, Kadastër dhe Mbrojtje të Mjedisit 06-350/01-25503/21 -Për Lejimin e ndërrimit të destinimit të tokës bujqësore në tokë ndërtimore, në



sipërfaqe 500m<sup>2</sup>, në Parcelën Kadastrale Nr. P-70917086- 02168-9 në sipërfaqe të përgjithshme 2333m<sup>2</sup>, Zona Kadastrale Kaçanik i Vjetër, me kulturë bujqësore Arë e klasës së 5 (Pestë), pronë private në emër të Naim (Hamza) Krasniqi, nga Kaçaniku, sipas Certifikatës me numër të lëndës: 25480/2021 të lëshuar nga Zyra Kadastrale me 20.08.2021. Këto dy vendimet e fundit kanë qenë në rend pune në dy mbledhje, mirëpo janë hequr nga rendi i punës, për shkak të kërkesës për kompletim të lëndëve. Kur jemi të ndërrimet e destinimit të tokës bujqësore, KPF sa herë që i adresohen propozim vendime të kësaj natyre, sugjeron ekzekutivit të komunës që të kenë kujdes për mos cenimin e Planit Zhvillimore të Komunës në një rën anë dhe në anën tjetër, sugjeron që të ruhet tokat bujqësore, sepse fondi i tokave bujqësore në komunën e Kaçanikut është shumë i vogël.

### **Planet dhe Raportet e Punës**

Nga Planet dhe Raportet e Punës kjo trupë punuese ka vënë në shqyrtim; Raporti i Punës së Ekzekutivit të Komunës, për vitin 2020; Raporti i Punës së Komitetit për Politikë dhe Financa, për vitin 2020; Raport (Informatë) i punës së Këshillit Komunal për Siguri në Bashkësi (KKS) për periudhën: Janar-Qershor 2021. KPF i ka shqyrtuar në detaje të gjitha raportet dhe planet e punës të theksuara si më lartë, ka dhënë mendimet e veta për objektivat e paraqitura në çdo plan pune, vërejtjet dhe sugjerimet në raporte dhe plane punës dhe të gjitha këto dokumente ia ka përcjellë Kuvendit të Komunës në procedurë për shqyrtimit apo të miratimit.

### **Çështjet të tjera me rëndësi për komunën**

Ndër çështjet tjera me rëndësi për komunën, KPF ka vënë në shqyrtim informatat si vijon:

- Informatë e Kryesuesit të Kuvendit, për aktivitetin e Kuvendit të Komunës për vitin 2020;
- Informatë e DAK, për përfundimin e Periudhës së Parë të Vitit shkollor 2020-2021; Informatë e Zyrës së Personelit, për përdhën: Janar-Dhjetor 2020;

Kur jemi të informatat e DAK, vlen të përmendet së KPF sa herë ka shprehur shqetësimet lidhur me numrin e madh të mungesave të nxënësve dhe arsimtarëve, zvogëlimin e numrit të nxënësve në shkolla, si rezultat i migrimit të familjeve jashtë vendit apo regjistrimit në shkolla të komunave tjera. KPF sugjeron rritjen e cilësisë në arsim, krijimin e infrastrukturës shkollore për mësim nga distanca për shkak të pandemisë Covid-19, ndërkaq shpreh shqetësim në pamundësinë në përfshirjen e të gjithë nxënësve më mësim online.

Të gjitha informatat e theksuara, KPF i ka shqyrtuar në detaje dhe të njëjtat ia ka përcjellë KK në procedurë për shqyrtim.

### **Shërbimi i Kuvendit**

Punët dhe detyrat e punës së KPF-a përgatiten nga një (1) zyrtar i punësuar në Shërbimin Profesional të Kuvendit të Komunës. Me angazhimin e këtij zyrtari përgatiten mbledhjet e KPF-a, përgatitet materiali i nevojshëm, përpilohet; Procesverbali i mbledhjes. Vendimet dhe Shkresat tjera të dalë nga mbledhjet e kësaj trupe punuese dhe të njëjtat arkivohet për nevojat e Shërbimit Civil të Komunës. Të njëjtat punë ky zyrtar kryen edhe për Kuvendin e Komunës dhe trupat tjerë punuese (komiteteve) të KK, duke u ndihmuar nga një (1) zyrtar i punësuar në Zyrën e Kryesuesit të Kuvendit.

Për Komitetin për Politikë dhe Financa  
Kryesuesi i Kuvendit (në detyrë) Kemal Mërseli

